

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTPO 0046585 21
Zenica, 28.11.2024. godine

OPĆINSKOM SUDU U VISOKOM
V I S O K O

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

S. L., *neosuđivana*,

Što je,

U periodu od 01.01.2018. do 31.12.2018. godine, u Visokom, kao zastupnik privrednog društva za promet i usluge firme „S.“ d.o.o.Visoko, u svojstvu direktora-osobe ovlaštene za zastupanje po Rješenju o registraciji Općinskog suda u Zenici od 17.03.2011. godine, s ciljem pribavljanja protivpravne imovinske koristi navedenom privrednom društvu, prilikom podnošenja carinskih prijava i druge dokumentacije u carinskom postupku izbjegavala plaćanje administrativnih taksi u ukupnom iznosu od 14.210,00 KM, tako što je prilikom uplaćivanja takse za jednu deklaraciju, uplatnicu sačinjavala u više primjeraka i po jedan primjerak uplatnice prilagala uz druge deklaracije na koje se uplata ne odnosi, te predočavala carinskom službeniku kao dokaz da je taksa uplaćena i za te druge deklaracije, iako je bila svjesna i znala da za te druge deklaracije taksa nije uplaćena i da na taj način dovodi u zabludu ovlaštena službena lica carinske ispostave Visoko i da ih time navodi da na svoju štetu prihvate kao validne predmetne uplatnice i protivpravno pribavlja korist svom društvu u iznosu neplaćene takse, a što je i htjela, a koju taksu je bila obavezna plaćati u smislu člana 2. Zakona o administrativnim taksama („Sl.glasnik BiH“ broj 16/02) kojim je propisano da se administrativne takse plaćaju za spise i radnje u upravnim stvarima kao i za druge predmete i radnje kod institucija Bosne i Hercegovine u visini takse koja je utvrđena taksenom tarifom, a koja je u smislu člana 31. čini sastavni dio istog Zakona, pribavivši na taj način korist „S.“ d.o.o.Visoko u iznosu od 14.210,00 KM koji je nakon kontrole Uprave za indirektno oporezivanje naknadno u cijelosti uplaćen,

Dakle, kao zastupnik pravne osobe s ciljem pribavljanja protivpravne imovinske koristi toj pravnoj osobi, dovela druge u zabludu da na štetu svoje imovine nešto učine, a čime je pribavila imovinsku korist koja prelazi 10.000,00 KM,

Čime je počinila krivično djelo „Prijevара u privrednom poslovanju“ iz člana 251. stav 2. u vezi sa stavom 1. KZ F BiH.